

2016 Wasserratta

A Wahnsinn was pro Tag so all's passiert
viel Info kriagsch und denn no unsortiert
Kircha, Schwuli und d'Libido vo Frau
über das tüand d'Media abahau

Dr Huonder hät's a bitzli blöd zitiert
dia Schwula hend's aso nit akzeptiert
dr Schtaatsawalt kann'a nit gross peiniga
wänd's na jetz mit Wattabeuschli scheiniga?

Dr Garant, a blai Pilla für da Maa
d'Frau vu hüt kann dia in rosa ha
jetz müand sie sich nümma gross verstell
grad aso händ miar's denn au nit wella !

G-Punkt, i suach' immer dr G-Punkt
denn i han jo kei Ahnig
wo das kliina Ding liggt
öppa tenk i, dia setzen üs glaub nu unter Druck
will's dä G-Punkt gar nit gitt !

G-Punkt, doch as gitt schu a G-Punkt
und ma kann dä au finda
aber i weiss nit wo
Doch Du kusch jo fascht in jedi Parklugga dri
doch dr G-Punkt findsch Du nit

G-Punkt, alli reden vum G-Punkt
miar tüand immer no suacha
irgendwo muass dä sii
Hey jetz weiss'i's do hät sich doch dä G-Punkt
versteckt / Jo wo denn?
As isch z'Gas-Pedal !!!!

Dr Mischter Beller wird sicher nümma heller
au bir Irina - dr IQ tüüf im Keller
as tuat üs leid miar wänd eui nit belüüga
a fätza gschiider isch jedi Schtubaflüüga

Ohohoh zerscht packschna us ganz bedächtig
das isch - a Pracht's - Exemplar
nit nu - jedi Frau, nei au fascht jeda Maa
d'Konsischtentz und dr Gschmack Freud isch gross

Ohoh und hesch'na denn erscht richtig heiss gmacht
schnell in's Muul suss wird är nu no schlapp
Gschpürsch au wia das tuat as isch eifach dr Hit
miar hend halt d'Wöhli, wenn's Walliser Raclett git !!!

Hüt wänd doch alli schön si das isch schu fascht a Wahn
a jeda wettis ghöra, Du bisch a schteila Zahn
drumm tün miar viel träniara und ässend nu no gsund
miar gön jetz au ga laufa und d'Füass sind au schu Wund
jetz wänd miar abneh, yeah wänd abneh
dr Buch isch rund so rund so rund so rund !!

Am Sunntig gämmer allas, miar gönd au no in d'Sauna
do hoggsch den uf da Brettli und bisch anand halt saunah
das gsunda Ässa plogt mi und mäldat sich rektal
i schwinga schnell mis Tüachli as schtinkt halt schu brutal
Jetz bini allei do, jo so allei do
i bin an arma, arma, arma, arma Tropf !!

Jo und, was lärend miar druus
as bringt Diar keina meh dr Schmuus
das isch doch allas nu a Bschiiss
so wüssend miar genau, wia VW das hät gmacht !!

Wurscht und Käs - d'Konfi uns au Piar
all's vur Natur - natürlu au vum Tiar
kasch bim Renzo - au no Fleisch vum Elch ha
oder will är - d'Paris Hilton melcha ??

Dr schönschti Alpabart tünd's nögscht Johr nüma suacha
dia schtolza Träger sind wia varuggt am Fluacha
händ alli Angscht sie müassend bald in d'Kischta
mit dena Bäart gsehn's uus wia Terrorischta !!

Rooming-Gebühra und gratis telefoniara
koschtalos im Puff sich loh massiara
jetz wänd miar eui eifach öppis säga:
hörend uf dia Asylanta pfläga !

In 4 Johr, do könnt'ma au a Zürcher wähla
am Zürisee tuat är nu Dauna quähla
doch weisch bi ihm genau wo'ra das bisch
är seit allna - wia tüür si's Düvet isch !

Ahhhh, guti guti pfuusi !!

Ganz dr Fischer ganz dr Fischer jo dr Ernst dä könt das au
ganz dr Fischer ganz dr Fischer ganz genau !

I'r Politik do herrscht sit noischem klar Tendenz
mit Sachverstand und grosser Vehemenz
Erotik, Scharm bruchsch zum an d'Schpitza koh
Wieso hend d'Bündner - d'Martullo-Blocher gnoh ?

Jo luag au do, ganz de Bappe !!

Ganz de Bappe ganz de Bappe jo de Bappe hät das au
ganz de Bappe ganz de Bappe, ganz genau !